

大學士公傅

大學士尹

大學士劉<sup>士</sup> 字寄

浙江巡撫熊

乾隆三十一年二月初十日奉

上諭熊學鵬奏查拏逆犯吳卜元等一摺已於摺內批示矣該犯等住居深山胆敢聚匪製旗書寫悖逆字句及兵役往拏復敢持械拒捕傷差寔屬法所難貸自應嚴行窮究以示懲儆該犯演拳抗法不過慙不畏死之徒觀其符書裒積成帙似非若輩所能為必有略識文字之人為之主張蓄謀為匪諒非一朝一夕之事其黨與傳播恐亦不止此數人該撫務悉心查究盡絕根株雖不可干累無辜亦斷不可使逆黨漏網旣旗內有李元霸之名何以摺內並未言及是否實有其人抑係托名捏造

OMITTED TEXT

其現獲各犯又未將首從分別臚列種種情節均未明晰著傳諭熊學鵬將已獲之犯速行審擬正法如此外尚有應行查辦之要務詳

加根究母得草率了事並將摺內未經聲明各情節  
逐一查明據實具奏欽此遵

旨寄信前來